

## Nr 191

**Stáhtaráđi mearrádus****sámegielat ja sámegiela oahpahussii vuodđooahpahas, logahagas ja ámmátlaš skuvlemis  
miedihuvvon stáhtadoarjaga vuodustusain**

Addojuvvon Helssegis 11. beaivve guovvamánus 1999

Stáhtaráđi lea oahpahasministeriija ovdanbuktimis šiehttan oahpahas- ja kulturdoaimma ruhtadeamis borgemánu 21. beaivve 1998 addojuvvon lága (635/1998) 43 §:a 2 momeantta vuodul, dakkárin go dat lea lágas 1186/1998:

*Heivehansuorgi*

## 1 §

Gielddaide ja eará skuvlema ordnejeaddjiide miedihuvvo stáhtadoarjja sámiid ruovttuguovllu gielddain ordnejuvvon sámegielat ja sámegiela oahpahasu goluide vuodđooahpahas, logahagas ja ámmátlaš skuvlemis nugo dán mearrádusas ása-huvvo.

*Stáhtadoarjaga miediheami eavttut*

## 2 §

Stáhtadoarjja miedihuvvo vuodđooahpahas, logahaga ja ámmátlaš skuvlema oktiirehkenaston oahppadiimuin. Doarjaga miediheami eaktun lea, ahte oahpahasjoavkkuid sturrodat lea skuvlema ordnejeaddji ektui gaskamearálaččat uhcimustá vihtta oahppi. Skuvlema ordnejeaddji seahdá bidjat stáhtadoarjaga guoski diibmo-mearreal-muhussii dušše daid oahppadiimmuid, main oktiirehkenaston oahpahasjoavkkuid sturrodat lea gaskamearálaččat uhcimustá vihtta oahppi. Vuodđooahpahasu diibmomearrái oažžu vástideaddjiláhkai rehkenastit addojuvvon ovda- ja lassioahpahasu.

Oahpahasu seahdá vejolašvuodaid mielde ordnet ekonomalaččat ja juos dárbu sierra jahkeluohká oahppiin čohkkejuvvon oahpahasjoavkkuin.

*Stáhtadoarjaga mearrašuvvan*

## 3 §

Stáhtadoarjja miedihuvvo dán mearrádusas

oaivvilduvvon vuodđooahpahas, logahat-oahpahas ja ámmátlaš skuvlemis oahppadiimmuid ektui boahán gaskamearálaš oahpaheaddjiid bálkágoluid mielde.

Ovdalis 1 momeanttas oaivvilduvvon bálkágolot oahppadiimmuid ektui rehkenastojit ovddalgihtii čuovvovaš váriiddikšunjagi várás nu, ahte rehkenastinjagi ovdal leahkki jagi gaskamearálaš golot oahppadiimmuid ektui rievdaduvvojit váriiddikšunjagi árvoštallon goluiddássái.

## 4 §

Skuvlema ordnejeaddjái miedihuvvo stáhtadoarjaga ovdamáksu, mii mearrašuvvá váriiddikšunjagi ovdal leahkki čakčamánu 20. beaivve dili mielde váriiddikšunjahkáái árvoštallon oahppadiimmuid meari mielde.

Loahpalaš stáhtadoarjja miedihuvvo váriiddikšunjagi ollašuvvan oahppadiimmuid meari mielde váriiddikšunjagi čuovvovaš jagi geassemánu loahpa rádjai.

*Stáhtadoarjaga máksin*

## 5 §

Stáhtadoarjaga ovdamáksu máksojuvvo skuvlema ordnejeaddjái guokte geardde jagis seamma stuorra earrin, vuostas earri njukčamánu ja nubbi earri čakčamánu loahpa rádjai.

Loahpalaš stáhtadoarjja máksojuvvo skuvlema ordnejeaddjái dahje menddo olu máksojuvvo ovdamáksu máchahuvvo stáhtai váriiddikšunjagi čuovvovaš jagi suoidnemánu loahpa rádjai.

*Dieduidaddingeatnegasvuolta*

## 6 §

Skuvlema ordnejeaddji seahtá oahpahasráddehusa addán rávvagiid mielde addit stáhta-doarjaga miediheami várás dárbbaslaš dieduid oahpahasráddehussii.

Helssegis 11. beaivve guovvamánus 1999

*Fápmuiboahtinnjuolggadusat*

## 7 §

Dát mearrádus boahtá fápmui njukčamánu 1 beaivve 1999. Dát mearrádus heivehuvvo goittotge juo oddajagemánu 1. beaivve rájes 1999.

Oahpahasministtar *Olli-Pekka Heinonen*

Ráddehusráddealmái Zoe Pohjanvirta